

金

匱

翼

金匱翼卷二

飼鶴山人九龍先生集

長洲後學徐錦炳南氏讀

痰飲統論

人之有形。藉水飲以滋養。水之所化。憑氣脈以宣流。蓋三焦者。水穀之道路。氣脈之所終始也。若三焦調適。氣脈平均。則能宣通水液。行入於經。化而爲血。灌溉周身。設三焦氣澀。脈道不通。則水飲停滯。不得宣行。因之聚成痰飲。爲病多端。古方論痰有四。痰飲懸

飲溢飲支飲是也。詳見金匱要略。然又有留飲癖飲流飲伏飲之異。其聚而不散者曰留飲。僻處腸下者曰癖飲。流移不定者曰流飲。沉伏於內者曰伏飲。又因酒而成癖者曰酒癖。因寒多所致者曰冷痰。因熱邪所傷者曰熱痰。病雖多端。悉由三焦不調。氣道否澀而生病焉。是以氣行卽水行。氣滯卽水滯。故知飲之爲病。在人最多。善治者以宣通其氣脈爲先。則飲無所凝滯。所以治痰飲者。當以溫藥和之。蓋人之氣血得溫則宣流也。及結而成堅癥。則兼以消痰破飲之。

劑攻之

痰之源不一。有因熱而生者。有因氣而生者。有因風而生者。有因驚而生者。有因積飲而生者。有多食而生者。有因暑而生者。有傷冷物而成者。有因脾虛而成者。其爲病也。驚痰則成心痛癰疾。熱痰則成煩躁。懊憹頭風爛眼。風痰則成癱瘓。大風眩暈。暗風悶亂。飲痰成脇痛。四肢不舉。每日嘔吐。食痰成瘧痢。口臭。痞氣。暑痰頭昏眩暈。黃疸頭疼。冷痰骨痺。四肢不舉。氣刺痛。酒痰飲酒不消。但得酒次日又吐。脾虛生痰。

食不美。反胃嘔吐。氣痰攻注。走刺不定。丹溪

痰生於脾胃。宜實脾燥溼。又隨氣而升。宜順氣爲先。分導次之。又氣升屬火。順氣在於降火。熱痰則清之。溼痰則燥之。風痰則散之。鬱痰則開之。頑痰則軟之。食痰則消之。在上者吐之。在中者下之。又中氣虛者。宜固中氣以運痰。若攻之太過。則胃氣虛而痰愈甚矣。節齋

### 治痰七法

一曰攻逐

古云。治痰先補脾。脾復健運之常而痰自化。然停積既甚。譬如溝渠瘀壅。久則倒流逆上。污濁臭穢。無所不有。若不決而去之。而欲澄治已壅之水而使之清。無是理也。故須攻逐之劑。

### 神仙墜痰丸

黑牽牛

取頭末  
三兩

皂角

酥炙  
一兩

白礬

生一兩

爲末。水丸。桐子大。酒下三五十丸。

### 控涎丹

甘遂

大戟

白芥子

等分

右爲末 糊丸

臨臥薑湯服五七丸至

十九痰猛加丸數。

李時珍曰痰涎爲物隨氣升降無處不到入心則成癲癩入肺則壅竅爲喘欬背冷入肝則膈痛乾嘔寒熱往來入經絡則麻痺疼痛入筋骨則牽引鈞痛入皮肉則癰癤癰腫陳無擇三因方並以控涎丹主之殊有奇功一名妙應丸又人忽患胸背手足腰項筋骨牽引鈞痛走易不定或手足冷痺氣脈不通此乃痰涎伏在心膈

上下。隨氣攻注。隧道閉塞所致。誤認癰瘕非也。須以此藥治之。

### 十棗湯

芫花

醋炒  
黑色

甘遂

麵裹  
水煮

大戟

各等  
分

右爲細末。以水一升半。煮大棗十枚至八合。去滓調藥末。強人二錢七。弱人五分。平旦服之。不下。更加五分。下後以糜粥調養之。河間云。芫花之辛以散飲。大戟之苦以泄水。其甘遂直達水氣所結之處。乃泄水飲之聖藥也。



礞石滾痰丸 王隱君曰。痰病古今未詳。方書雖

有五飲諸飲之異。而莫知其病之源。或頭風作  
眩。目暈耳鳴。或口眼蠕動。眉稜耳輪痛痒。或四  
肢遊風腫硬。似疼非疼。或齒頰痛。牙齒浮痛。或  
暖氣吞酸。心下嘈雜。或痛或噦。咽嗑不利。咯之  
不出。嚥之不下。其痰似墨。或如破絮。桃膠。蜋肉  
之狀。或心下如停冰鐵。心氣冷痛。夢寐奇怪。失  
志癲癇。或足腕痠疼。腰背骨節卒痛。或四肢筋  
骨疼痛。難以名狀。並無常處。或手臂痛麻。狀若

風溼。或脊上一條如線之寒起者。或渾身習習如臥芒刺者。或眼粘溼癢。口糜舌爛喉痺等證。或繞項結核。狀若瘰癧。或胸腹間有如二氣交紐。噎息煩悶。有如煙火上衝。頭面烘熱。或中風癱瘓。或勞瘵荏苒之疾。或風毒脚氣。或心下怔忡。如畏人捕。或喘欬嘔吐。或嘔冷涎黑汁綠水。甚爲肺癰腸毒。便膿攣跛。內外爲病百端。皆痰所致。其狀不同。難以盡述。蓋津液旣凝爲痰。不復周潤三焦。故口燥咽乾。大便秘結。面如枯骨。

毛髮焦槁。婦人則因此月水不通。若能逐去敗痰。自然服餌有效。余用滾痰丸以愈諸疾。今特相傳於世云。

青礞石

兩

沉香

五錢

大黃

酒蒸熟切晒

黃芩

各入兩

右將礞石打碎。用焰硝一兩。同入瓦罐。鹽泥固濟。晒乾火煨。石色如金爲度。研末。和諸藥水丸如梧子大。白湯食後服。人壯氣實者。可至百丸。服後仰臥。令藥在胸膈間。徐徐而下。除逐上焦痰滯惡物過膈。然後動作食湯水。方能中病。明

曰當下痰積惡物。若不下加十丸。

愚按痰之與飲同類而異名者耳。痰者食物所化。飲者水飲所成。故痰質稠而飲質稀也。痰多從火化。飲多從寒化。故痰宜清而飲宜溫也。痰多膠固一處。飲多流溢上下。故痰可潤而飲可燥也。是以控涎十棗爲逐飲之真方。礞石滾痰乃下痰之的藥。易而用之。罕有獲效者矣。學者辨之。

## 二曰消導

凡病痰飲未盛。或雖盛而未至堅頑者。不可攻之。但

宜消導而已。消者損而盡之。導者引而去之也。

和劑二陳湯 治痰飲爲患。或嘔逆惡心。或頭眩心

悸。或中脘不快。或食生冷飲酒過度。脾胃不和。

並宜服之。

半夏

舊製

橘紅

各五兩

白茯苓

三兩

甘草

一兩半炙

右咬咀。每服四錢。水一盞。薑七片。煎八分。熱服。

無時。一方有大棗一枚。本方加枳實。桔梗。名

桔梗半夏湯。

生導痰湯

半夏湯洗七次四兩天南星泡去皮赤茯苓枳實

橘紅各一兩甘草炙半兩

右咬咀。每服四錢。水薑煎。食後溫服。

青礞石丸 治食積成痰。

青礞石敲碎如棗子大以焰硝二兩同入鍋煎黃色茯苓

半夏湯泡七次天南星漫火製黃芩各五錢

風化硝三錢盆淨者冬月以絹袋盛懸風前化之

右為細末。神麴糊入薑汁為丸。如梧子大。每服

三五十丸。薑湯送下。一方加薑汁薑蒲滑石

一方無南星有白朮。一方有枳實倍礞石。  
一方加蒼朮五錢。滑石一兩。

又方

半夏

陳皮

白朮

白茯苓

大黃

黃芩

人參

炙艸

礞石

各一兩

沉香

五錢

右爲末。以竹漚一大碗半。薑汁三匙。拌勻。晒乾。  
如此五六度。仍以竹漚薑汁糊丸。小豆大。每百  
丸。臨臥薑湯吞下。

又方

牽牛

頭末二兩

滑石

二兩

大黃

一兩

木香

黃芩

礞石

枳殼

青皮

陳皮

檳榔

各五錢

沉香

二錢

爲末。水丸。桐子大。薑湯下五十丸。

半夏丸 治膈痰結實滿悶喘逆。

半夏

薑汁製五兩

皂莢

五挺去皮揉水煮半夏

生薑

五兩全半夏搗作餅

乾炙

爲末。密爲丸。梧子大。薑湯下二十丸。



治熱痰結在胸膈。咯吐不出。滿悶作痛。名痰結。  
又脇下痛。作寒熱。欬嗽氣急。亦痰結也。

製半夏

陳皮

赤苓

各一錢

桔梗

枳殼

瓜蒌仁

各一分

黃連

黃芩

梔子

貝母

蘇子

桑皮

杏仁

芒硝

各五分

木香

甘草

各三分

右剉作一貼。薑三片。同煎至半。納芒硝溶化。去滓。又入竹瀝薑汁調服。

鶴頂丹

治諸頑痰迷塞。開竅不通。聲音不出。

白礬黃丹各一兩。火煨爲末。麴糊丸。麻子大。每服三十丸。研末入全蝎少許。薑湯調灌之。吐痰立愈。

青州白丸子 治風痰壅盛。嘔吐眩暈。及癱瘓中風。

半夏七兩 南星三兩 白附子二兩 川烏五錢

右生爲細末。清水浸。春五夏三。秋七冬十日。朝夕換水。候日數足。乃取納生絹袋中。漚過其滓。再研再漚。以盡爲度。澄清去水。晒乾爲末。以糯米粥清糊丸。菉豆大。薑湯吞下。三五十九。局方。

如癰瘕風以溫酒送下。如小兒驚風。薄荷湯下。  
百一選方加川芎二兩。天麻。僵蠶。全蝎各一兩。並  
生用。爲細末。麵糊丸。

瑞竹堂方。加天麻。全蝎。木香。枳殼各一兩。

### 三曰和

始因虛而生痰。繼因痰而成實。補之則痰益固。攻之  
則正不支。惟寓攻於補。庶正復而痰不滋。或寓補於  
攻。斯痰去而正無損。是在辨其虛實多寡而施之。

橘皮湯

半夏製五兩

茯苓

陳皮各三兩

細辛

青皮

桔梗

枳殼

甘草炙各二兩

人參

旋覆花

去夢各一兩

右剉散每服三錢生薑五厚片煎服直

六君子湯

人參

白朮

茯苓

甘草減半

陳皮

半夏各一錢

水二錢薑五片煎至一鍾去滓不拘時服

四日補

夫痰卽水也。其本在腎。痰卽液也。其本在脾。在腎者氣虛水泛。在脾者土虛不化。攻之則彌成。無補之則潛消。自非聖知。罕能得其故也。

濟生腎氣丸

四君子湯

苓桂朮甘湯

五曰溫

凡痰飲停凝心膈上下。或病或嘔或利。久而不去。或雖去而復生者。法當溫之。蓋痰本於脾。溫則能健。痰

生於溼溫則易行也。

千金半夏湯 治冷痰

白朮 三兩 半夏 一升 生薑 八兩 茯苓

人參 桂心 甘草 炙 附子 炮各二兩

水八升。煮三升。分溫服。

吳茱萸湯

吳茱萸 人參 半夏 薑製 桂心 各二兩

茯苓 二兩 甘草 一兩

薑棗湯煎三錢。空心溫服。日二。

聖濟總錄曰。氣爲陽。陽不足者。不能消導。水飲則聚。而成痰。浸漬腸胃。上爲嘔逆吐酸。下爲洞泄。寒中久。不已。則令人消瘦。少氣倚息。妨於飲食。昔人治痰飲。多以溫藥和之。爲此故也。

沉香茯苓丸 溫脾胃。利胸膈。和氣血。

沉香 一兩 白茯苓 半夏 製 人參

丁香 二兩 甘草 陳皮 去白 肉豆蔻 煨

檳榔 五錢

共末。蜜丸。桐子大。薑湯下。二十九。

本事神木丸

茅山蒼朮

一斤去皮爲末

生芝蔴

半兩水二瓊研濾取汁

大棗

十五枚煮爛去皮核研

右三味搜和乘熱入臼杵

丸如梧子大。乾之。每日空腹溫湯吞下五十丸。加至一百丸。二百丸。忌桃李雀蛤。初服心膈微燥。進山梔散一服不燥矣。

許叔微云。予平生有二疾。一則藏府下血。二則膈中停飲。血有時而止。停飲則無時而愈。始因年少時夜坐爲文。左向伏几案。是以飲食多墜向左邊。中夜以



後稍困乏。則飲酒兩三杯。既臥就枕。又向左邊側睡。氣壯盛時。殊不覺。三五年後。覺酒止從左邊下。漉漉有聲。脇痛。飲食殊減。十數日必嘔吐數升酸水。暑月止。是右邊身有汗。熱熱常潤。左邊病處絕燥。徧訪名醫。及海上方服之。少有驗。間或中病。止得月餘復作。其補則如天雄。附子。礬石。其利則如牽牛。大戟。甘遂。備嘗之矣。予後揣度之。已成癖囊。如潦水之有科臼。不盈科不行。水盈科而後行者也。清者可行。濁者依然停蓄。壅下無路以決之也。是以積之五七日。必稍吐。

去而稍寬數日復作夫脾土惡溼而水則流溼莫若  
燥脾以勝溼崇土以填科曰則疾當去矣於是悉屏  
諸藥一味服蒼朮三月而疾愈自此一向服數年不  
嘔不吐胸膈寬飲啖如故暑月汗周體而身涼飲亦當  
中下前此飲漬于肝目亦多昏眩其後燈下能書細  
字皆蒼朮之力也予初用茅朮半年後止用燥烈味  
極辛者削去皮不浸極有力而亦自然不燥也山梔  
散用山梔一味乾爲之末沸湯點服故知久坐不可  
伏向一邊時或運動亦消息之法

六日清

或因熱而生痰。或因痰而生熱。交結不解。相助爲虐。是以欲去其痰。必先清其熱。昔人所謂痰因火盛逆上者。治火爲先也。其證咽喉乾燥。或塞或壅。頭目昏重。或欬吐稠粘。面目赤熱。

潔古小黃丸

南星

半夏

黃芩

各一兩

爲末。薑汁浸蒸餅爲丸。桐子大。每五七十丸。生薑湯下。食後服。

二陳湯加黃芩連翹山梔桔梗薄荷亦佳

<sup>聖濟</sup>驚梨煎丸 治熱痰涼心肺利胸膈解毒補虛

益氣

驚梨 大者二十枚 去皮取汁 皂莢 十條 去皮 水揉取汁

生地黃 八兩 搗取汁 薄荷 生搗取汁 白蜜 八兩 同上 汁熬成膏

人參 白茯苓 半夏 各一兩 枳榔 煨三分

青皮 去白 炒 桔梗 甘草 炙各三分

右共為末搗膏為丸 梧子大 荆芥湯下二十丸

日二 一方有木香 荜蓉 白茯苓 山藥 白朮 羌

活防風

聖濟

千金散

治熱痰壅盛胸膈不利。

半夏

薑汁製

蛤粉

各五錢

甘草

凝水石

三錢

右共末。水下三錢空心服以利爲度。一方有

羌活

七日潤

肺虛陰涸。枯燥日至。氣不化而成火。津以結而成痰。是不可以辛散。不可以燥奪。清之則氣自化。潤之則痰自消。

杏仁煎 治燥痰在肺中。上氣欬嗽。或心胸煩熱。

杏仁 去皮尖 三兩 生薑汁 白蜜 飴糖 各一兩半

桑皮 貝母 木通 各一兩 二錢半 紫苑

五味 各一兩

右剉碎。用水三升。熬至半升。去滓。入前杏仁等四味。再熬成膏。每服一匕。含化。一方有欬冬。知母。一方有生地汁。紫蘇子。

節齋化痰丸 治鬱痰老痰。膠固稠粘。難于咯唾。

天門冬 片苓 酒炒 瓜蒌仁 橘紅

海石粉

各一兩半

香附

鹽水炒

芒硝

桔梗

連翹

各五錢

青黛

二錢

右爲末煉白蜜入薑汁少許和丸櫻桃大細嚼

一丸清湯下

## 傷食

傷食者。飲食自倍。腸胃乃傷也。當分上中下三焦而治。在上吐之。在中消之。在下奪之。

羅太無云。大抵內傷之理。傷之微者。但減食一二日。所傷之物自得消化。此良法也。若傷之稍重者。以藥內消之。傷之太重者。以藥除下之。

瓜蒂散 宿食在上脘。用此吐之。所謂在上者。因  
而越之也。

瓜蒂

炒

赤豆

煮等分



右爲細末。以豉七合煮汁和散。一七服。一法  
溫漿水調服一錢七。取吐爲度。

經云。上部有脈。下部無脈。其人當吐。不吐者死。謂食  
塞於上。而脈絕於下也。何者。陽火之根。本於地下。陰  
水之源。出於天上。食塞於上。是絕五藏之源。源絕則  
水不下流。兩尺脈絕。吐去上焦之物。而脈自通。如不  
能吐。則非食病。而是根蒂之先拔。故死。或以陰陽水  
三升。煮白鹽一升。令消。分三服。刺吐去所食。卽愈。出  
千金方。

紅丸子 壯脾胃消宿食去膨脹。

京三稜

蓬朮

青皮

去白

陳皮

去白各五斤

炮薑

胡椒

各三斤

右爲末。醋麵糊丸。如梧子大。礬紅爲衣。每服三十丸。食後薑湯下。易簡方有阿魏。

治食索粉成積方

紫蘇濃煎汁。加杏仁泥服之卽散。

治食狗肉不消。心下堅。或腹脹。口乾大渴。心急發熱。狂言妄語。或洞下。

杏仁一升。去皮尖。研以沸湯三升。和絞汁三服。  
狗肉原片皆出淨。或以蘆根煮飲之。亦消。

千金治所食不消方

取其餘類燒作末。酒服方寸匕。便吐其宿食。卽  
瘥。

按飲食停滯中脘。雖藉葯力爲之消磨。然所以運  
行藥力者。胃氣也。故有屢經消食行氣。而食不下  
者。余卽於前所用藥內。加入參一二錢。治之如神。  
學者不可不知。

備急方 治寒飲食過傷心腹卒痛如錐刺。

川大黃 末 乾薑 末 巴豆 去皮心研 去油用霜

右各等分。和合一處研勻。煉蜜爲丸。小豆大。溫水下一丸。實者加一丸。一云每服三丸。未知更服三丸。腹中轉鳴。當吐下便愈。

東垣導滯丸 治傷溼熱之物。不得旋化而作痞滿悶亂不安便閉者。

黃芩 茯苓 白朮 黃連 各三錢

澤瀉 二錢 枳實 神麴 各五錢 大黃 煨一兩

右爲末。湯浸蒸餅爲丸。食遠沸湯下五十丸。

鶴年

傷食與停食宜分兩項。傷食者。飲食自倍。腸胃

乃傷。病在不及。消化停食。不論食之多少。或當食而怒。或當食而病。在氣結而不能化也。治傷食宜偏重于食。或吐。或下。或消。若停食則偏重在氣。惟理氣而兼之以消。吐下之法。不可用也。大都傷食當分上中下三焦。而停食則專在胃脘也。

傷酒

千金療卒大醉。恐腸爛方。

作湯著大器中。漬之。冷復易之。酒自消。夏月亦用之佳。

又方 絞茅根汁飲二升。

又方 搗生葛汁飲之。無鮮者。乾葛煎服亦佳。

又方 粳米一升。水五升。煮使極爛。漉去滓。飲之良。

葛花解醒湯 治酒病。嘔逆心煩。胸滿不食。小便

不利。

青皮

三分

木香

半錢

橘紅

人參

豬苓

茯苓

各一錢半

神麴

澤瀉

乾薑

白朮

各二錢

白薤仁

砂仁

葛花

各半兩

右爲極細末。每服三錢。白湯調服。但得微汗。則

酒病去矣。

羅謙甫云。夫酒者。大熱有毒。氣味俱陽。乃無形之物也。若傷之。止當發散。使汗出。則愈。最妙法也。其次莫

如利小便。二者乃上下分消其溼。何酒病之有。今之  
治此者。乃用酒癥丸。大熱之劑。下之。又用牽牛大黃  
下之。是無形元氣病。反傷有形陰血。乖誤甚矣。



不能食

不能食者胃中元氣虛也。然有虛冷虛熱之異。宜分別治之。

消食丸 治數年不能食。

麥蘖

麴各一升

乾薑

炮

烏梅

焙各四兩

蜜丸服十五丸。日再加至四十丸。亦治反胃。

又方

神麴

炒黃二兩

麥蘖

炒黃二兩

烏梅

四兩

乾木瓜

半兩

茯苓

甘草

炙各二錢五分

蜜丸櫻桃大每服一丸不拘時細嚼白湯下。

一方無木瓜有人參乾薑。

又方

豉心

一升熬末

麥芽

麴

各一兩熬

川椒

一升出汗

乾薑

一升末

右五味篩以蜜拌食後酒服方寸匕。

以上三方並治胃虛冷不能食之劑。

資生丸

健脾開胃消食止瀉調和藏腑滋養營

衛。

白朮

米泔水浸川山黃土拌九蒸晒去土切片焙乾三兩 橘紅

山查

蒸 神麴 炒各二兩 白茯苓 人乳拌飯上蒸晒乾一兩五錢

人參

人乳浸透飯鍋上蒸透三兩 白豆蔻 微炒 澤瀉 炒各三錢五分

川連

薑汁炒三錢半 桔梗 炒 藿香 甘草 蜜炙五錢

扁豆

炒 蓮肉 去心炒各一兩 麥芽麴 炒

山藥

炒 芡實 炒各一兩五錢 薏仁 炒三兩

右爲末。煉蜜丸。每服二錢。細嚼淡鹽湯下。

凝神散 收斂胃氣。清涼肌表。

人參

白朮 茯苓 山藥 各一錢五分

不能食

扁豆

知母

生地黃

粳米

甘草

各一錢

淡竹葉

地骨皮

麥冬

各五錢

右作一服水二鍾薑三片紅棗一枚煎一鍾食

速服

高鼓峯云腎乃胃之關關門不利升降息矣關門卽氣交之中天之樞也故腎旺則胃陰足胃陰足則思食若關門枯槁腎水不能上達當急以六味加歸芍養之若血燥大腸乾枯有黑屎積壅胃底則當以熟地五錢當歸三錢白芍桃仁二錢麻仁三錢微微潤

之視其形體如常氣血尙足卽于前方內可加大黃二錢助血藥大腸一順利胃自開矣一開之後大劑六味左歸等類不數服之方有濟也。

以上治胃虛氣熱之劑。

范汪療胃氣虛不能食四肢重短氣調和五藏并療諸病調中湯方。

薤白

切一升

枳實

六枚炙

橘皮

三枚

大棗

十二枚

粳米

三合

香豉

六合

水六升先煮薤白得四升內諸葯煮取一升半。

適寒溫服。一方有生薑一兩延年無根實有茯苓人參。

按此以甘辛氣味和暢胃陽推揚穀氣虛者延年方較良。

本事治脾腎虛弱全不進食二神丸。

破故紙

四兩炒

肉苳蔻

二兩生

右爲細末用大肥皂四十九枚生薑四兩切片同煮棗爛去薑取棗剥去皮核用肉研爲膏入茛和杵丸如梧子大每服三十九鹽湯下有人

全不進食服補藥皆不效予授此方服之頓然  
能食此病不全作脾虛蓋腎氣虛弱真元衰劣  
譬如金鼎之中置之米穀下無火力雖終日不  
熟其何能化黃魯直嘗記服兔絲子淘淨酒浸  
曝乾爲末日超數匙以酒下十日外飲啖如湯  
沃雪亦此理也

寬中進食丸 滋形氣喜飲食。

人參

炮薑

青皮

各一錢

大麥芽

炒

縮砂仁

炒

甘草

炙各一錢半

白茯苓

橘紅

不飽食

澤瀉

白朮

各三錢

枳實

四錢

荳蔻

五錢

猪苓

七錢

神麴

炒

木香

各五分

半夏

七錢

右爲末。湯浸蒸餅爲丸。桐子大。每服三十九。溫米湯送下。食前。



穀勞

穀勞者胃受水穀其氣虛弱不能傳化穀盛氣虛則令人怠惰嗜臥肢體煩重腹滿善飢而不能食食已則發穀氣不行使然也。

沉香湯

沉香

白朮

土炒

紫厚朴

薑汁炒各一兩

人參

白茯苓

半夏

薑製

木香

草薢

薢

甘草

陳皮

黑乾薑

生薑大棗水煎三錢溫服日二。

肘後云飽食便臥得穀勞病令人四肢煩重嘿默欲臥食畢輒甚用大麥蘖一升椒一兩並炒乾薑三兩搗末每服方寸七日三。

# 食亦

內經曰。大腸移熱於胃。善食而瘦。謂之食亦。夫胃爲水穀之海。所以化氣味而爲營衛者也。胃氣和。飲食有節。氣血盛而膚革充盈。若乃胃受邪熱。消燂穀氣。不能變化精血。故善食而瘦也。病名食亦。言雖食亦若飢也。又胃移熱于膽。亦名食亦。以膽爲陽木。熱氣乘之。則燂土而消穀也。

甘露飲

治胃熱善食不生肌肉。

生地

熟地

天冬

麥冬

片苓

石斛

枇杷葉

甘草

枳殼

茵陳

一兩

水煎三錢服

## 諸血統論

失血諸證。妄行于上則吐衄。衰涸于內則虛勞。妄返於下則便紅。積熱膀胱癰閉。尿血滲透。腸間則爲腸風。陰虛陽搏則爲崩中。溼蒸熱瘀則爲滯下。熱極腐化則爲膿血。火極似水則血色紫黑。熱勝于陰則發爲瘡瘍。溼滯於血則發爲痛痺。癰疹皮膚則爲冷痺。蓄之在上其人喜狂。蓄之在下其人喜忘。血出上七竅爲血溢。大小便二血爲血泄。然內經云。溢則後血。是血下出亦可云。溢正不必拘也。

全日書 卷二  
先見血後見痰嗽多是陰虛先見痰嗽後見血多是痰火積熱。

凡吐衄血太甚不止當防其血暈用茅根燒酒將醋酒之令鼻嗅氣以過其勢或驀然以冷水嗅其面使驚則止。

血虛眩暈卒倒不可艾灸驚哭叫動動則乘虛而死矣須以當歸川芎白芍熟地黃黃耆人參白朮茯苓陳皮荆芥穗甘草各七分棗二枚烏梅一個同煎服凡用血藥不可單行單止又不可純用寒涼必加辛

溫升藥。如用寒涼藥。用酒煎。酒炒之類。乃寒因熱用也。久患血證。血不歸元。久服藥而無效者。以川芎爲君。則效。丹溪

凡嘔吐血。若出未多。必有瘀於胸膈者。當先消而去之。驟用補法。血瘀成熟。多致不起。

業師薛一瓢先生。治陸元賓勞傷吐血後。日漸消瘦。有時發寒熱。飲食減少。微有乾欬。四肢無力。語亦懶。師用大當歸一隻。重二兩者。木器搥鬆。陳酒煎。令服三劑。以其人素不飲酒。改用酒水各半煎。

果三服而諸病皆愈。鶴年

風熱吐血

風陽邪也。熱火氣也。併入絡中。則血溢絡外。其證乍寒乍熱。咳嗽口乾。煩燥者是也。宜以辛涼入血之藥治之。

聖惠荆芥地黃湯

荆芥穗爲末。生地汁調服二錢。

駱隆吉曰。風火既熾。當滋腎水。此以荆芥發陽邪。而在地黃養陰氣也。



聖濟荊芥穗散

荊芥穗 山梔仁 片苓 蒲黃

水煎五錢溫服晚再服以差爲度

鬱熱失血

鬱熱失血者。寒邪在表。閉熱於經。血爲熱迫而溢於絡外也。勿用止血之藥。但疎其表。鬱熱得舒。血亦自止。若表已解而熱不消。血不止者。然後以清熱降血之藥治之。若肺氣已虛。客熱不去。欬嗽咽乾吐血。嗽血者。宜以甘潤養血爲主。而以辛藥涼肺佐之。如大

阿膠丸之類。

寶鑑大阿膠丸

阿膠微炒 生地黃 熟地黃 卷柏

乾山藥 五味子 雞蘇葉 大薊各一兩

茯苓 栢子仁另研 百部 遠志

人參 麥門冬 防風各半兩

右爲細末煉蜜丸彈子大煎小麥麥門冬湯下

一丸食後。

大薊飲子 解鬱熱止吐衄亦治辛熱物傷肺胃

嘔吐血名肺症

大薊根

洗

犀角

鎊

升麻

桑白皮

炙

蒲黃

炒

杏仁

去皮尖

各二錢

甘草

炙

桔梗

炒

各一兩

水二鍾生薑五片煎至一鍾不拘時服。

和劑龍腦雞蘇丸

治胸中鬱熱欬吐血衄血

涼上膈止虛煩。

雞蘇淨葉

一斤即龍腦薄荷

生乾地黃末

六兩後入

麥冬

人參

阿膠

蒲黃

柴胡

剉同木通以沸湯大半升浸一宿絞汁後入膏各二兩

黃耆

一兩

甘草

半兩

右爲細末以蜜二升先煉一二沸然後下生地黃末不住手攪時時入較下柴胡木通汁慢慢熬成膏勿令焦然後將其餘藥末同和爲丸如豌豆大每服二十丸熱水下。

側柏散 治鬱熱內損心肺吐血下血其出如湧泉口鼻俱流須臾不救服此卽安

側柏葉

蒸乾二兩半

荆芥穗

燒灰

人參

各一兩

右爲末每服三錢入白麵二錢新汲水調如稀

糊嚙服。

暑毒失血

暑毒失血者。脈大氣喘。多汗煩渴。蓋心主血而暑氣喜歸心也。此病多於酒客。及陰虛之人有之。

千金治酒客瘟疫中熱毒。乾嘔吐血方。

蒲黃

犀角

括蕒根

甘草

各二兩

桑寄生

葛根

各三兩

水七升。煮三升。分三服。

局方枇杷葉散

治暑毒攻心。嘔吐鮮血。

香薷

二錢

厚朴

甘草

麥冬

木瓜

茅根

各一錢

陳皮

枇杷葉

丁香

各五分

爲末每服二錢薑水煎服

畜熱吐血

畜熱吐血者。熱畜血中。因而妄行。口鼻皆出。勢如湧泉。膈上熱。胸中滿痛。脈洪大弦長。按之有力。精神不倦。或血是紫黑成塊者。須用生地黃。赤芍。茜根。牡丹皮。三製大黃。滑石。桃仁。泥之。屬從大便導之。此非釜底

抽薪之法。不能奪火熱上湧之勢也。

海藏云。畜血喜忘如狂。身熱尿黑者。疾已甚也。但小腹滿。小便不利者。輕也。

滑伯仁曰。血溢血泄。諸畜血證。其始也。予率以桃仁大黃行血破滯之劑。折其銳氣。而後區別治之。雖往往獲效。然猶不得其所以然也。後來四明遇故人蘇伊舉。閒論諸家之術。伊舉云。吾鄉有善醫者。忘其姓字。每治失血畜妄。必先以快藥下之。或問失血復下。虛何以當。則曰。血既妄行。迷失故道。不去血利瘀。則以

妄爲常。曷以禦之。且去者自去。生者自生。何虛之有。  
予聞之愕然曰。昔者之疑。今釋然矣。  
按去者自去。生者自生。人易知也。瘀者未去。則新者  
不守。人未易知也。細心體驗。自見。

簡要濟衆

川大黃一兩爲末。每服一錢。以生地汁一合水  
半錢煎三五沸。服無時。

藕汁茯苓飲

生藕汁 小薊根汁 生地黃汁



茯苓

蒲黃炒黑

後二味等分爲末。每服二錢。用三升調下。

按虛人未可下者。宜此法清熱且利瘀也。

按千金云。凡吐血後。體中但惓惓。心中不悶者。輒自愈。假令煩躁。心中悶亂。紛紛嘔吐。顛倒不安者。當急以瓜蒂杜蘅人參等。吐去清黃汁。或血一二升。無苦。蓋謂中有瘀血不盡故也。然與其湧而上之。不若導而下之。之爲順也。吐法昔人且不忍。而況於下法乎。

直指方

鮮生地黃搗汁煮飲日數升良

四生丸 治吐血衄血熱妄行乘于陰也。

生荷葉 生艾葉 側柏葉 生地黃等分

右搗爛爲丸如雞子大每服一丸用水二鍾煎

一鍾去滓服。一方有生薄荷葉無荷葉。

十灰散 治嘔吐衄嗽血。

大薊 小薊 柏葉 荷葉

茅根 茜根 大黃 梔子

棕櫚皮 牡丹皮

右等分。燒存性。出火毒。研爲極細末。用生藕汁及生蘿蔔汁磨松墨半碗調服五錢卽止。

氣逆失血

氣逆失血者。血從氣逆得之。暴怒而厥也。經云。陽氣者。大怒則形氣絕。而血菀於上。使人薄厥。又怒則氣逆甚。則嘔血。及飧泄是也。必有胸脇滿痛等證。宜芍藥陳皮枳殼貝母之屬。行其氣而血自下。或肝火因氣而逆者。必有煩躁燥渴等證。宜芍藥生地黃丹皮。

芩連之屬降其火而血自寧

### 小烏沉湯

烏藥

去心 十兩 甘草 兩

香附子

炒 砂盆漸去毛 皮焙乾 二十兩

右爲細末每服一錢不拘時沸湯點

按大怒氣逆必有火熱從之上行宜以黃連青黛香附柴胡甘草山梔等藥平其肝則自愈獨進溫燥寧無偏勝之弊且非古人抑怒全陰之意

### 勞傷吐血

勞傷吐血者經所謂用力太過則絡脈傷是也蓋絡

脈之血。隨經上下往來不休。若絡脈有傷損之處。其血因得滲漏而出矣。如是者。須和養血氣。安順謹調。使損者復完。則血脈循行如故。所謂勞者逸之是也。此等未開藏氣。但體性堅凝。尙可望其生全。若不能如此。而或縱情違理。絡脈完已復損。則必無幸矣。

### 髮灰散

亂髮 燒灰

每服二錢。米醋湯調服。亦治小兒尿血。

治吐血不止。將本人血。磁鍋焙乾爲末。每一錢二

分。以參麥煎湯調下卽止。

凡吐粉紅色痰涎者。是肺絡損傷而血滲也。治以鮮藕白糯米紅棗三物煎湯頻頻服之。久自愈。此方係正白旗遲維職所授。用之良驗。遲公會任崇明及六合縣

係一榜出身。  
三世明醫。

### 陽虛失血

陽虛失血者。脾胃氣虛。不能固護陰氣也。仁齋直指云。血遇熱則宣流。故止血多用涼劑。然亦有氣虛挾寒。陰陽不相爲守。榮氣虛散。血亦錯行。所謂陽虛陰

必走是耳。外證必有虛冷之狀。其血色必黯黑而不鮮。法當溫中。使血自歸經絡。可用理中湯加南木香。或甘草乾薑湯。其效甚著。曹氏云。吐血須煎乾薑甘草湯與服。或四物理中湯亦可。若服生地黃竹茹藕汁。去生便遠。

三因云。理中湯能止傷胃吐血。以其最理中脘。分利陰陽。安定血脈也。

按經云。榮氣出於中焦。是以脾胃爲統血之司。而甘溫氣味。有固血之用也。世醫畏其能動血。雖遇

常用而不敢用者多矣。厥疾不瘳，誰之過歟？或有仿千金例，於伏龍肝、甘草、乾薑、白朮之中，加阿膠之潤，黃芩之苦，以折炎上之勢，而復既脫之陰，亦內經甚者從之之意也。

理中湯

甘草乾薑湯

二方見金匱心典

黑神散

和劑

黑豆

炒半升  
去皮

乾熟地黃

酒浸

當歸

去蘆  
酒製

肉桂

去粗  
皮

乾薑

炮

甘草

炙



芍藥

蒲黃

各四兩

右爲細末。每服二錢。酒半瓊。童子小便半瓊。不拘時煎服。

凡吐血脈微身涼惡風者。須于地黃芍藥中加肉桂一錢。虛冷人多有此證。

傷胃吐血

傷胃吐血者。酒食過飽。胃間不安。或強吐之。氣脈賁亂。損傷心胃。血隨嘔出也。

簡易黑神散 治傷酒食醉飽過度。胃絡內傷。及

低頭掬損吐血致多口鼻俱出

百草霜

不拘多少  
村居者佳

右研細每服二錢糯米湯下喜凉水者新汲水調服。

## 鼻衄

鼻衄有表寒裏熱之異。表寒者傷寒不解而閉熱於經也。詳傷寒門裏熱者陽明之熱而血爲熱迫也。宜犀角地黃湯主之。或陽明之熱不得下通而反上壅者宜拔萃犀角地黃湯通其下而上自愈。

諸衄血家不可與白虎湯。虛者亦不可與。卒得之腹痛而利者但可溫之。

羅謙甫云經厯晉才卿膏粱而飲至春病衄。易醫數四皆用苦寒之劑俱欲勝其熱而已。然終不愈而飲

食起居浸不如初。肌寒而時躁。言語無聲。口氣臭穢。惡冷風。而其衄之餘滴。則未絕也。彼惟知見血爲熱。而以苦寒攻之。抑不知苦瀉土。土脾胃也。脾胃人之所以爲本者。今火爲病而瀉其土。火固未嘗除。而土已病矣。土病則胃虛。胃虛則營氣不能滋榮百脈。元氣不循天度。氣隨陰化而無聲。肌寒也。粗工噫嘻。以爲可治。熱病未已。寒病復起。此之謂也。

項彥章治一婦患衄三年許。醫以血得熱則淖溢。與瀉心涼血之劑。益困。衄出數滴。輒昏去。六脈微弱而

寸爲甚。曰肝藏血而心主之。今寸口脈微。知心虛也。心虛則不能主血而逆而妄行。法當補心。兼養脾氣。脾者心之子。實則心不虛也。與琥珀諸補心藥遂安。按心虛補脾。卽千金脾旺則氣感於心之意。然補脾藥未議及。竊謂當兼補脾陰。不當專補脾氣也。犀角地黄湯。易老云。治鼻衄。此藥爲最勝。

犀角

芍藥

丹皮

各一錢半

生地

四錢

甘草

五分

水一鍾半。煎八分服。

按萃加大黃黃連黃芩

茅花湯

白茅花水煎濃汁兩碗分二服如無花以根代之。

人參蓮心散

人參一錢 蓮子心一分

共爲末以水空心下二錢以差爲度。一方蓮子心五十個糯米五十粒爲末酒調服治勞心吐血。

髮灰散

髮灰一錢 人中白炙研五分 麝香研一分

用少許吹鼻中立愈。

### 元珠雞蘇散

雞蘇葉 黃耆 生地 阿膠

白茅根各一兩 麥門冬去心 桔梗 蒲黃炒

貝母去心 甘草炙五錢

每服四錢薑三片水煎服

麥門冬飲子 治脾肺虛弱氣促精神短少吐血

吐血

人參

麥門冬

當歸

各五分

五味子

五個

黃耆

甘草

芍藥

各一錢

紫苑

五分

右以咀，分作二服。水二瓊，煎至一瓊，去滓溫服。食後。一方有生地，無甘草。芍藥、紫苑，名清肺飲子。



# 齒衄

齒衄有手足陽明與足少陰之異。蓋手陽明入下齒中。足陽明入上齒中。而腎主骨。齒又爲骨之餘也。大抵屬陽明者多有餘。故有便閉口臭。齒齲腫痛等證。凡素嗜肥甘。或善飲胃強者多有之。屬少陰者多不足。故口不臭。牙不痛。雖痛不甚。但齒搖不堅。凡陰虛羸瘦好色者多有之。而宜清宜補爲治。迥別。不可不分也。

元珠云。齒衄多陽明熱盛所致。緣手足陽明俱入齒

中而衝任二脈並附陽明陽明者多氣多血之經也  
陽明有熱發則隨經上入齒中血如潮湧疼痛不已  
甚則昏昧予率用三製大黃末二錢枳殼湯少加童  
便調下並去黑糞數塊其血頓止要知腎虛出血者  
其血必點滴而出齒亦悠悠而疼決不如此之暴且  
甚也

東垣清胃飲 治醇酒厚味或補胃熱藥太過以  
致牙疼不可忍牽引頭腦滿面發熱或齦齒腐潰  
出血不止此陽明火也

生地黃一錢五分

升麻

當歸

牡丹皮

犀角

連翹各一錢

甘草

黃連各五分

水煎服。

按陽明熱實。上薰口齒者。宜此清之。若大便閉結不通者。須加大黃。從下奪之。

外臺方

治滿口齒出血。枸杞根洗煎湯漱。嚙驗。

元戎地黃引子 治腎血齒衄不止。

熟地黃

生地黃

地骨皮

枸杞子

等分

焙乾爲末。每服二錢。蜜湯調服。無時。寶鑑用。

治衄血往來久不愈日三服良

安腎丸 治腎虛陰火上炎服涼藥而愈甚者宜

淡鹽湯送下三五錢間進黑錫丹

方見喘證

或用腎氣丸煎服效

鶴年

舌衄

舌衄者。舌出血不止也。心主血。在竅爲舌。若心藏蘊熱。血得熱而妄行。或溢于心之竅。則有舌上出血之證。甚者出如湧泉。

聖濟阿膠散

阿膠

炒

黃耆

蜜炙

蒲黃

新者  
一兩

共末。用生地黃汁空心調下二錢。

千金方

亂髮燒灰。水服方寸匕。日三服。

大衄 血汗附

大衄者口鼻耳目皆出血是也由熱氣乘虛入血則  
而妄行與衛氣錯溢于竅也阿膠湯主之

阿膠湯

阿膠

蛤粉炒  
一兩

蒲黃

五錢

水煎去滓入生地黃汁服急以帛繫兩乳

神白散

治血汗

用人中白瓦上炙研末入麝香少許和勻空心  
酒下二錢一方有髮灰

聖惠散 治大衄久衄及諸竅出血不止

人中白一團雞子大綿五兩燒研每服二錢溫  
水服

## 大便下血統論

許學士云。予苦疾三十年。畜下血藥方近五十餘品。其間或驗或否。或始驗而久不應者。或初不驗棄之。再服有驗。未易厯談。大抵此病品類不同。對病則易愈。如下清血色鮮者。腸風也。血濁而色黯者。藏毒也。肛門射如血線者。脈痔也。亦有一種下部虛陽氣不升。血隨氣而降者。仲景云。脈弦而大。芤則爲減。大則爲芤。減則爲寒。芤則爲虛。寒虛相搏。此名爲革。婦人則半產漏下。男子則亡血失精。此下部虛而下血者。



是也。若得革脈，却宜服溫補藥。虫痔宜薰，千金用蠟皮艾者佳。予嘗作，頗得力。

黑地黃丸，頗佳。鶴年

### 結陰便血

結陰便血者，以風冷之邪結于陰分而然。蓋邪在五藏，留而不去，是之謂結陰。邪內結，不得行，則病歸血分。故爲便血。經曰：結陰者，便血一升，再結二升，三結三升。正此之謂。宜外灸中脘，氣海三里，以引胃氣散風邪。內以平胃地榆湯溫散之，劑止之。景岳

寶鑑平胃地榆湯 治邪陷陰分結陰便血。

陳皮

厚朴

蒼朮

甘草

地榆

人參

白朮

當歸

芍藥

升麻

乾葛

茯苓

神麴

乾薑

炒

香附

各等分

右㕮咀。每服五錢。加薑棗煎。空心服。一方無

香附。有附子益智。

胃風湯 治風冷乘虛入客腸胃。水穀不化。及下

血久而無度者。卽八物湯去地黃甘草加官桂

等分。每服二錢。水一大瓊。粟米百餘粒同煎七分。去滓。稍熱服。蓋亦陰結之類。爲陰氣內結。故去甘寒而加辛熱。結者散之也。

### 經驗方

荊芥一味。畧炒爲末。米飲服二錢。

地榆湯 河間曰。陰結便血者。以陰氣內結。不得

外行。血氣無宗。滲入腸下。致使漸多。此湯治之。

地榆

四兩

甘草

三兩半

生縮砂

七枚

右爲末。每服五錢。水三瓊煎至一半。去滓溫服。

溼熱便血

溼熱便血者。血濁而色黯。滑氏所謂足太陰積熱。久而生溼。從而下流也。赤豆當歸散主之。若但熱而無溼者。腹中痛。血色鮮。連蒲散主之。

赤豆當歸散

赤小豆

三升浸令芽出晒乾 當歸 十兩

右二味杵爲散。漿水服。方寸匕。日三服。

連蒲散

生地

當歸

白芍

枳殼

川芎

槐角

黃芩

各一錢

黃連

蒲黃

炒各一錢二分

水二鍾煎八分服。

泊宅編云。乾柿燒灰。米飲服二錢。本草柿治腸癖。解熱毒。消宿血。又百一選方云。曾通判子病下血十年。川此方一服而愈。

王煥之知舒州。下血不止。郡人陳宜父。令其四時取柏葉。其方如春取東枝之類。燒灰調二錢服而愈。

潔古芍藥黃連散

治腹痛下血有熱。

芍藥

黃連

當歸

各半兩

大黃

一錢

淡桂

五分

甘草

炙二錢

每服五錢。水煎。痛甚者。調木香。枳。榔。末。一錢。用淡桂者。畧借辛溫。以助藥力。且拔病本也。

一方平胃散加槐花當歸枳殼烏梅。

丹溪

中虛脫血

中者脾胃也。脾統血。脾虛則不能攝血。脾化血。脾虛則不能運化。是皆血無所主。因而脫陷妄行。其血色不甚鮮紅。或紫或黑。此陽敗而然。故多無熱證。而或

見惡心嘔吐宜理中湯溫補脾胃中氣得理血自歸經矣。

理中湯

理物湯 卽理中四物合劑

黃土湯

白朮 甘草 附子 地黃

阿膠

黃芩 各三兩 龜心黃土 半升

水八升煮取三升分溫三服

腸痔下血

本事治腸痔在腹內有鼠爛出血方

白蕪荑

貫衆

狼牙根

椿東引枝

槐東引枝

白皮者各一分

白蟻頭

一個炙焦

雄黃

半兩

蝟皮

一分炙焦

右爲末臘月猪脂和爲丸如彈子大綿裹內下

部曰三易

附方

木耳

五錢

浸一宿洗淨空心生食禁茶湯半日

許如嫌淡少加鹽三服必愈但不能除根耳

鶴



年自試驗過

澀血

澀血有虛有實。實者下焦結熱。血爲熱迫。尿血成淋。虛者房勞內傷。血失統御。溺血不已。亦有心藏有熱。熱乘于血。血滲小腸而尿血者。當參合脈證治之。凡小便血出。成淋作痛。或雜尿而出者。從膀胱中來也。如血出不痛者。爲尿血。乃心移熱于小腸。血從精竅中來也。

濟生小薊飲子 治下焦結熱之劑

生地

四兩

小薊根

滑石

通草

蒲黃炒

淡竹葉

藕節

當歸

山梔仁

甘草

炙各半兩

右㕮咀。每服四錢。水一錢。煎分空心溫服。

一方有白茅根阿膠

鹿茸散

治下元虛憊。小便尿血。日夜不止之劑。

鹿茸

酒洗去毛塗酥炙令黃

生地黄

焙當歸焙各二兩

蒲黃

一合

冬葵子

炒四兩半

右爲極細末。每服三錢。七空心溫酒調服。日二

一方煉蜜爲丸。如梧子大。每服二十九。食前

炒鹽湯下。

如神散 治心藏有熱。熱乘于血之劑。

阿膠

蛤粉炒  
一兩

山梔

車前子

黃芩

甘草

炙各二  
錢半

右爲細末。每服半錢。或一錢。井華水調服。日三。  
此方合犀角地黃湯用之良。

髮灰散 亂髮燒存性爲末。每服二錢。以醋二合。

湯少許調服。或以側柏葉汁調糯米粉和丸梧。

子大。湯服五十丸。

鹿角膠丸 治房室勞傷小便出血。

鹿角一兩炒成珠 沒藥 油髮灰各六錢

右爲末。取白茅根汁打糊爲丸。梧子大空心鹽湯吞七八十九。

門人 平舟沈安伯

門人 星門陳步羔 全校字

男 珊 圖南

龍翔 召南